

CYNGOR TREF LLANGEFNI

COFNODION Cyfarfod Llawn Cyngor Tref Llangefni, **Nos Lun 14eg o Ragfyr 2020 am 6.30y.h.**
trwy gyfrwng TEAMS.

PRESENNOL : Cyng. Margaret Thomas - Cadeirydd
Cyng. Ieuan G. Davies - Cyng. Victor Hughes
Cyng. Terry Jones - Cyng. Gwenan Ll. Evans
Cyng. Jamie Jones - Cyng. John Lee
Cyng. J. Egryn Lewis - Cyng. J. Huw Owen
Cyng. Richard Parry - Cyng. Non W. Parry.

HEFYD YN BRESENNOL : Cyng. Dylan W. Rees – Cynghorydd Sir.
Mr. Rhys Parry - Clerc
Ms. Linda Powell - Cymhorthydd Clerigol

20/038 **YMDDIHEURIADAU** : Cyng. Christine Roberts.

20/039 **DATGANIAD O DDIDDORDEB** : Dim.

20/040 **HEDDLU GOGLEDD CYMRU** : Dim Cynrychiolwyr.
Cadeirydd yn adrodd fod dim materion yn ymwneud a'r Heddlu wedi eu hanfon i'r Swyddfa.

20/041 **I DDERBYN CYWIRDEB COFNODION CYFARFOD LLAWN 09.11.2020**
Cadeirydd yn adrodd fod yr Aelodau wedi cael cyfle o flaen llaw i edrych trwy'r Cofnodion uchod.
Cyng. Terry Jones yn Cynnig a Cyng. J. Huw Owen yn Eilio i dderbyn y Cofnodion fel rhai cywir. **PENDERFYNWYD** derbyn y Cofnodion.

20/042 **I YSTYRIED MATERION YN CODI O GOFNODION 09.11.2020**
Cadeirydd yn datgan, os oedd unrhyw gwestiynau yn codi o'r Cofnodion uchod, gofynnwyd i'r Aelodau gysylltu gyda'r Swyddfa, i arbed amser yn ystod y Cyfarfod drwy gyfrwng TEAMS.
Clerc yn cadarnhau fod dim ymholiadau/cwestiynau wedi eu derbyn yn y Swyddfa o flaen y Cyfarfod.

20/043

1 **I DDERBYN PENDERFYNIADAU AELODAU'R IS-BWYLLGOR CYNLLUNIO AR YMGYNGHORIADAU CYNLLUNIO – TACHWEDD 2020**

Cadeirydd yn adrodd fod Rhestr o'r Penderfyniadau uchod wedi eu hatodi i Becyn y Rhaglen Llawn a'r sylwadau wedi cael eu hanfon ymlaen i Adran Cynllunio'r Cyngor Sir.

2 **Safle Parc y Coed - Ymateb Cyngor Sir Ynys Môn**

E-bost 24.11.2020 - Hunain esboniadwy gan Swyddog o Gyngor Sir Ynys Môn yn cadarnhau fod 3 taliad o dan Gytundeb 106 wedi eu derbyn gan Ddatblygwr yr Ystâd uchod. Mae'r taliad cyntaf angenrheidiol am y Rhan Cyntaf o'r datblygiad wedi ei dalu yn llawn. Dim trafodaeth. **Derbyn.**

20/044 I DDERBYN UNRHYW GYFATHREBION Y MAER

Cadeirydd yn adrodd ar y canlynol :

- 1 **Sul y Cofio** - Llythyr o ddiolch wedi ei dderbyn gan Gymdeithas Cyn-ddisgyblion Ysgol Sir Llangefni yn cydnabod fod Maer y Dref wedi gosod Plethdorch ar y Gofeb o flaen yr Ysgol.
- 2 **Cyfweliad Môn FM 01.12.2020** - Cyflwyno fod Goleuadau Nadolig y Dref yn cael eu rhoi ymlaen Nos Wener 4ydd o Ragfyr 2020. Oherwydd COVID-19 eleni, yn anffodus nid fydd unrhyw adloniant/gweithgareddau yn mynd ymlaen o gwmpas Neuadd y Dref, i arbed unrhyw ymgynnull yn ystod y cyfnod pryderus yma.
Maer y Dref wedi cyhoeddi yn ystod Cyfweliad FM, ei bod yn diolch i Dirmon y Cyngor Tref, sef Mr. Ben Manton a Mr. Berwyn Jones, am eu gwaith caled iawn yn ystod yr wythnosau diwethaf i osod y goleuadau. Bu cofio hefyd am y Diweddar Mr. Alwyn Rowlands, a roddodd wasanaeth arbennig wrth arwain Noson Goleuadau Nadolig y Dref yn y gorffennol.
- 3 **Cystadleuaeth Arddangosfa Ffenestr Nadolig** – Maer y Dref, Dirprwy Faer a Nicola Gibson wedi beirniadu'r Gystadleuaeth uchod. Canlyniadau :
 - 1af Siop Emberwood, Stryd yr Eglwys
 - 2il Siop Gwallt HBA, Stryd Fawr
 - 3ydd Siop Cain / Julie – “The Original Cefni Barber”

Cyng. Non Parry yn adrodd bydd Plac/Tlws yn cael eu cyflwyno i'r enillydd yn ystod y dyddiau nesaf. Cyng. Margaret Thomas yn awgrymu casglu'r Placiau yn ôl yn ystod Ionawr 2021 a chyfnwid am Dystysgrif i'w gadw. Cadeirydd yn diolch i Cyng. Non Parry a Nicola Gibson am eu cefnogaeth a chymorth.

- 4 **Clwb Rotary – Noson “Tree of Lights”** – Cadeirydd yn falch o fod yn rhan o'r Achlysur byr eleni gyda'r elw yn mynd at Hosbis Dewi Sant yng Nghaerdybi. Cyng. Thomas yn adrodd, ei bod, yn ystod y Noson, wedi hyrwyddo Siwmpwr Nadolig, sydd yn cael eu gwerthu yn lleol i gefnogi Hosbis Dewi Sant .

20/045 MATERION YN CODI GAN AELODAU

- 1 **Cyng. Margaret Thomas : Cynrychiolydd ar Ffwrdd Llywodraethwyr Ysgol y Graig**
Cadeirydd yn adrodd ei bod yn ymddiswyddo o'r Swydd uchod ac yn gofyn a oes Aelod arall a diddordeb bod yn Llywodraethwyr Ysgol y Graig. Dim Trafodaeth.
- 2 **Cyng. Richard Parry : Tyrchod Daear, Maes Chwarae, Rhosmeirch**
Clerc yn adrodd fod dau dwrch daear wedi eu dal yn y Maes Chwarae uchod. Cyng. J. Egryn Lewis yn datgan fod mwy o dyrchod daear yn codi ochor arall i'r cae a hefyd fod y wal terfyn angen ei atgyweirio. Clerc yn adrodd mai'r bwriad ydyw i drafod ail-godi'r wal yn ystod Cyfarfod nesaf o'r Is-bwyllgor Y Fynwent a Meysydd Chwarae.
Cyng. J. Egryn Lewis yn adrodd fod yn bwysig ail-gynnal Cyfarfodydd Is-bwyllgorau' r
Cyngor Tref. **Derbyn.**

20/046 ADRODDIAD Y CLERC

Clerc yn adrodd ar y canlynol :

- 1 **Ystafell 109, Neuadd y Sir** - Cyfreithiwr y Cyngor Tref wedi cadarnhau fod Cwmni Chief Properties wedi derbyn y cynnig o £3,000.00 fel taliad terfynol i setlo'r bil a dod a'r mater i ben. Clerc yn datgan fod yr arian wedi ei drosglwyddo i Gwmni Chief Properties drwy'r Cyfreithwyr. **Derbyn.**

PARHAD 20/046

- 2 BIPBC - Hen Safle'r Orsedd, Ger Siop Home Bargains** - Dim diweddariad i ymateb yn ôl, oherwydd, o dan amgylchiadau COVID-19, nid ydyw Rheolwr Ystadau, BIPBC, wedi rhoi blaenoriaeth i'r Trosglwyddiad o'r tir uchod i'r Cyngor Tref. Clerc am gysylltu eto yn y flwyddyn newydd.
Cyng. J. Egryn Lewis yn tynnu sylw fod y llwybr cyhoeddus sydd ar derfyn y safle uchod wedi tyfu'n wyllt. Clerc i wneud ymholiadau ynglŷn â phwy sydd yn gyfrifol am y llwybr.
Derbyn.
- 3 Safle Cae Criced** - Cadeirydd a Cyng. Richard Parry wedi cysylltu gyda Chyfreithiwr yr Ymddiriedolwyr i geisio symud pethau ymlaen. Disgwyl cyngor gan Fargyfreithiwr o Lerpwl am Amcan bris i lunio Cytundeb ar gyfer trosglwyddo'r tir uchod i'r Cyngor Tref ac i'r Cyngor yma fod yn gyfrifol am gostau'r Bargyfreithiwr. Cyfreithiwr y Cyngor Tref wedi cadarnhau ei bod yn cyfathrebu gyda Chyfreithiwr yr Ymddiriedolwyr ynglŷn â hyn.
PENDERFYNWYD cytuno i'r Cyngor Tref fod yn gyfrifol am gostau'r Bargyfreithiwr.
- 4 Tir tu Cefn i'r Llys** - Perchennog wedi derbyn Cytundeb Drafft gan Gyfreithiwr y Cyngor Tref i'w gymeradwyo, ac os yn fodlon gyda'r telerau, bydd y pryniant yn cael ei gwblhau.
- 5 Gardd Glöyn Byw, Maes Chwarae Nant y Pandy** - Clerc yn adrodd ei fod wedi ymweld â'r Safle gyda'r Ymgeisydd i gytuno ar leoliad yr Ardd Glöyn Byw o fewn y Maes Chwarae uchod. Clerc yn rhoi crynodeb o'r Cyfarfod ac yn cadarnhau mai hau blodau gwyllt, gosod "raised beds" a Trellace ydyw gofynion y Grŵp, a fydd y llecyn yn amharu dim ar y Maes Chwarae na pheiriannau'r Contractwyr yn ystod y cyfnod torri'r gwair.
PENDERFYNWYD cytuno yn unfrydol i'r Cais uchod a bydd y Swyddfa yn rhoi gwybod i Gydlynnydd y Prosiect a Chynrychiolydd Grŵp Ffrindiau Nant y Pandy i symud ymlaen gyda'r Prosiect.
Cyng. Victor Hughes yn tynnu sylw at y drafodaeth yn ystod Cyfarfod Llawn ddiweddar i gael amcan bris am osod ffens yn ardal Maes Chwarae Nant y Pandy/Ystâd Pen Derwydd, i arbed plant rhag defnyddio llwybr ansyddogol fel mynediad i'r Ystâd. Clerc yn ymateb ei fod wedi gwneud ymholiadau ynglŷn â chael ffens fetel neu wifren yn yr ardal yma a bydd yn dod yn ôl gyda mwy o wybodaeth i'r Cyfarfod Llawn nesaf. Clerc yn adrodd ymhellach fod y llwybr sydd yn mynd heibio wal y Maes Chwarae wedi cael ei strimio yn ddiweddar, eithin wedi eu clirio ac yn amlwg fod rhywun wedi bod yn clirio'r safle ac yn ddadlennol llecyn mawr o dir. Cyng. John Lee yn holi pwy sydd yn gyfrifol am y tir yma, ansicr o hyn ond cytunwyd i gadw llygaid ar y sefyllfa. **Derbyn.**
Clerc yn cadarnhau fod Tirmon y Cyngor Tref yn dechrau gwaith strimio a.y.b. o gwmpas ymylon y Maes Chwarae yn y Flwyddyn Newydd i adennill mwy o'r tir.
Cyng. Margaret Thomas yn ychwanegu fod rhai o drigolion Ystâd Pen Derwydd wedi cadarnhau fod ymddygiad gwrthgymdeithasol wedi gwella erbyn hyn.

20/047 ADRODDIAD PWYLLGORAU ALLANOL

- 1 Un Llais Cymru - 12.11.2020 - Cyfarfod Pwyllgor Ardal Ynys Môn** - Dim Cynrychiolaeth.
- 2 Cyfarfod Cyngor Grŵp Llandrillo-Menai 03.12.2020** - Cyng. Richard Parry yn ymddiheuro ei fod ddim wedi medru cwblhau ei bresenoldeb ond yn derbyn Adroddiadau.

20/048 CYLLID

1 **I Dderbyn Mantolen Ariannol Tachwedd 2020** - Cyng. J. Egryn Lewis yn tynnu sylw at y canlynol :

- **09.11.2020 - CSYM Treth Lon Las £49.00** - Holi ynglŷn â rhyddhad treth. Clerc yn cadarnhau ei fod wedi gofyn i'r Cyngor Sir am gyfraniad COVID-19 tuag at y Trethi ac wedi derbyn ymateb fod Cyngorau Tref ddim o fewn y meini prawf. Cyng. Lewis yn gofyn am gadarnhad ysgrifenedig - Clerc yn cytuno i ofyn am hyn.
- **27.11.2020 - Arian Parod £200.00 Glanhau Cysgodfannau Bysus** - Clerc yn cadarnhau'r taliad uchod gan esbonio fod Cysgodfannau Bysus y Dref, o dan gyfrifoldeb y Cyngor Tref, wedi cael eu glanhau yn ddiweddar.

Clerc yn cadarnhau bydd Cyfarfod o'r Is-bwyllgor Cyllid ac Amcanion Cyffredinol ac Is-bwyllgor y Fynwent a Meysydd Chwarae yn cael eu cynnal yn fuan yn y Flwyddyn Newydd gyda materion newydd yn cael eu cynnwys ar y Rhaglen.

Cyng. Non Parry yn Cynnig a Cyng. Ieuan G. Davies yn Eilio i dderbyn y Fantolen Ariannol uchod. **PENDERFYNWYD** derbyn Mantolen Ariannol Tachwedd 2020.

2 **Precept 2020/2021** - Dim Trafodaeth – i'w drafod yn Is-bwyllgor Cyllid ac Amcanion Cyffredinol yn y Flwyddyn Newydd. **Derbyn**

3 **Llywodraeth Cymru : Adran 137(4)(a) o Ddeddf Llywodraeth Leol 1972** – Dim trafodaeth. Llythyr wedi ei atodi i Becyn y Rhaglen Llawn er gwybodaeth i'r Aelodau. **Derbyn.**

20/049 ADRODDIAD MISOL CYNGOR SIR YNYS MÔN

Cynghorydd Sir, Dylan Rees yn adrodd ar y canlynol :

- **Moderneiddio Ysgolion** - Adroddiad o flaen y Pwyllgor Scrutiny - ddim wedi gallu symud pethau ymlaen oherwydd pandemic COVID-19. Pwysau ar y Cyngor Sir rŵan i edrych ar hyn, gyda'r argymhell i ehangu Ysgol y Graig a chau Ysgol Talwrn. Ysgol Bodffordd ddim yn newid.
- **Menter Môn/Cyngor Sir Ynys Môn**, ynghyd a Grwpiau arall wedi eu sefydlu o flaen y Nadolig i ddarparu bwyd ac anrhegion i deuluoedd mewn angen yn y Dref.
- **BREXIT** - Aflonyddwch Dros Dro ym Mhorthladd Caergybi a lloriau mewn trafferthion gyda'r trosglwyddiad BREXIT. Llywodraeth yn edrych ar safle parcio i loriau ym Mona gyda Contraflow ar yr A55 mewn lle ar gyfer hyn;
- **Prosiect Newydd** - Bwyd Da Môn i bobl fregus ac mewn angen. Gofyn am wirfoddolwyr - mwy o fanylion ar gael ar safle We CAB Ynys Môn.

Cyng. Jamie Jones yn datgan ei fod yn cymryd rhan yn y Prosiect yma wrth wirfoddoli yn y Banc Bwyd a Cyng. Margaret Thomas hefyd wedi rhoi cyfraniad ariannol at yr achos yma.

Cadeirydd yn diolch i Cyng. Dylan Rees a Cyng. Jamie Jones am eu mewnbwn.

20/050 GOHEBIAETH A MATERION NEWYDD

1 **Miller Research (UK) Ltd - Lon Gyswllt, Llangefni** - Holiadur wedi eu rhannu gyda'r Aelodau, unrhyw sylwadau i'w bwydo yn ôl i'r Swyddfa. Clerc yn adrodd bod Uwch Ymgynghorydd y Cwmni uchod yn awyddus cael Cyfweiliad drwy gyfrwng TEAMS gyda Dirprwyo o'r Cyngor Tref. Cysylltwch gyda'r Clerc os ydych yn fodlon bod yn rhan o'r Cyfweiliad er mwyn gwneud y trefniadau priodol.

2 **Comisiwn Ffiniau a Democratiaeth Leol Cymru – Arolwg o'r Trefniadau Etholiadau ar Gyfer Ynys Môn** - Gohebiaeth wedi eu hanfon i'r Aelodau - Swyddfa i ddilyn i fynnu os bydd unrhyw ddatganiad yn dod i law - Dim trafodaeth bellach. **Derbyn**

PARHAD 20/050

- 3** **Energy Campaign “Paint the Town Orange” Citizens Advice Bureau Ynys Môn**
Gwybodaeth wedi ei anfon i’r Aelodau - Dim trafodaeth.

20/051 GOHEBIAETH :ER GWYBODAETH (Wedi eu hanfon trwy e-bost yn ystod Tachwedd 2020)

- 1** **Un Llais Cymru** - Derbyn
2 **Materion Eraill** - Derbyn.

20/052 I YSTYRIED UNRHYW FATER BRYG GAN Y MAER

Llys Sirol, Ffordd Glanhwfa, Llangefni - Cyng. Victor Hughes yn awyddus i edrych ar logi Ystafelloedd o fewn y Llys yn y Gwanwyn 2021 ac i ystyried cael Prisiad cyfoes a threfnu Cyfarfod o’r Aelodau, yn y Swyddfa, pan mae yn ddiogel i wneud hyn.

Clerc yn cadarnhau ei fod wedi bod mewn cysylltiad gyda Grwpiau sydd â diddordeb yn Llogi ystafelloedd ac yn gobeithio edrych ar hyn ymhellach pan fydd cyfyngiadau COVID-19 yn cael eu hysbortio.

Cyng. Victor Hughes yn adrodd ymhellach i gysylltu gyda Gwerthwyr Tai i adnabod yr Ystafelloedd i’w llogi a’r hawliau ynghlwm gyda gosod i denantiaid. Cyng. Richard Parry yn cytuno gydag argymhellion Cyng. Hughes ac yn cynghori’r Clerc i wneud trefniadau gyda Cyfreithiwr y Cyngor Tref i baratoi “Draft Tenancy Agreement” o flaen llaw.

Cadeirydd yn arwain y Cyfarfod Llawn ar y syniad uchod ac yn cefnogi’r cynllun.

PENDERFYNWYD gofyn i’r Clerc gysylltu gyda Chyfreithiwr y Cyngor Tref i wneud ymholiadau ar hawliau’r Cyngor Tref a.y.b. ac i edrych ar y gwaith papur priodol.

Gordyfiant o Ddrain - Allt Forwyllt (“Station”, Llangefni) - Cyng. John Lee yn tynnu sylw at y drain yn tyfu drosodd yn yr ardal yma ac yn holi ynglŷn â phwy sydd yn gyfrifol am dorri’r drain.

Clerc am wneud ymholiadau a Chadeirydd yn diolch i Cyng. Lee am ddod a’r mater yma i sylw.

Cyng. Non Parry yn datgan mai yn y gorffennol, Adran Priffyrdd Cyngor Sir Ynys Môn, oedd yn gyfrifol am dorri’r gordyfiant.

20/053 DYDDIAD Y CYFARFOD NESAF - Nos Lun 11eg o Ionawr 2021 am 6.30y.h. trwy gyfrwng TEAMS.

Cadeirydd yn dymuno Nadolig Llawen i’r Aelodau a chadwch yn ddiogel

CYNG. MARGARET ANN THOMAS
CADEIRYDD